



**SPORAZUM O NAUČNOJ, OBRAZOVNOJ I STRUČNOJ SARADNJI IZMEĐU
UNIVERZITETA U SARAJEVU- FAKULTETA POLITIČKIH NAUKA I
FEDERALNE UPRAVE CIVILNE ZAŠTITE**

Uvažavajući značaj naučnog, obrazovnog i stručnog doprinosa za razvoj društvenih nauka te prepoznajući obostranu želju za uspostavljanje dugoročne saradnje, Univerzitet u Sarajevu- Fakultet političkih nauka i Federalna uprava civilne zaštite (u daljem tekstu: sporazumne strane) dogovorili su se o sljedećem:

Član 1.

(Svrha i oblast saradnje)

Ovim Sporazumom uspostavlja se okvir za partnersku saradnju sporazumnih strana u obrazovnoj, stručnoj i naučno-istraživačkoj oblasti, s ciljem unapređenja kvaliteta obrazovanja, istraživanja, razmjene znanja i promocije praktičnih kompetencija. Saradnja obuhvata i podsticanje studentskog razvoja kroz stručnu praksu, usavršavanje i učešće u projektima od zajedničkog interesa.

Član 2.

(Način ostvarivanja saradnje)

Sporazumne strane će ostvarivati saradnju kroz različite oblike, uključujući, ali ne ograničavajući se na:

1. Zajedničko organiziranje naučno-istraživačkih aktivnosti, konferencija, seminara, simpozija, radionica te udruživanje napora u pronalaženju donatorskih ili drugih izvora finansiranja.
2. Razmjenu i izradu stručnih i naučnih informacija, časopisa, publikacija, udžbenika i ostale relevantne literature za obostrani benefit.
3. Izradu zajedničkih istraživačkih i projektnih prijedloga te njihovu implementaciju.
4. Organiziranje stručne prakse za studente Univerziteta u Sarajevu-Fakulteta političkih nauka u okviru Federalne uprave civilne zaštite, uz definiranje ciljeva, trajanja i sadržaja prakse.
5. Aktivno učešće predstavnika sporazumnih strana na konferencijama, seminarima i drugim stručnim skupovima u organizaciji obje strane.
6. Angažman akademskog i stručnog kadra kao predavača, mentora i panelista u obrazovnim i stručnim procesima obje institucije.
7. Razmjenu akademskog i stručnog kadra radi unapređenja edukativnih programa i stručne prakse.
8. Izradu programa obuka, kurseva i radionica za stručno usavršavanje kadra u oblastima relevantnim za zajedničke ciljeve.
9. Proučavanje i pronalaženje rješenja za specifične izazove u oblastima od zajedničkog interesa, uključujući javnu sigurnost i civilnu zaštitu.
10. Promociju istraživačkih rezultata i stručnih dostignuća kroz zajedničke publikacije i javne prezentacije.
11. Sve druge aktivnosti koje doprinose ostvarivanju zajedničkih interesa sporazumnih strana.

Član 3.

(Stručna praksa studenata)

1. Federalna uprava civilne zaštite će omogućiti stručnu praksu studentima Univerziteta u Sarajevu - Fakulteta političkih nauka, u skladu sa Uredbom o uvjetima i načinu obavljanja studentske prakse u organima državne službe u Federaciji Bosne i Hercegovine („Službene novine Federacije BiH“ broj 16/15).

2. Obostrano će se raditi na razvoju Plana obavljanja studentske prakse, kako bi se zadovoljile potrebe studenata i sporazumnih strana.

Član 4.

(Upotreba dokumentacije i stručnih radova)

Sporazumne strane se obavezuju da:

1. Poštuju autorska prava i zaštitu ličnih podataka u skladu sa Zakonom o zaštiti ličnih podataka („Službeni glasnik Bosne i Hercegovine“, br. 49/06, 76/11 i 89/11).
2. Pažljivo upravljaju analizama i stručnim radovima te odlučuju koje informacije mogu biti dostupne javnosti.
3. Svako javno korištenje dokumentacije ili analiza mora biti odobreno uz zajedničku saglasnost sporazumnih strana.

Član 5.

(Koordinacija aktivnosti)

1. Svaka od strana imenovaće koordinatora koji će biti zadužen za realizaciju i praćenje aktivnosti iz ovog Sporazuma.
2. Koordinatori će održavati redovnu komunikaciju kako bi osigurali efikasnu implementaciju planiranih aktivnosti.

Član 6.

(Izmjene i dopune Sporazuma)

Izmjene i dopune Sporazuma vrše se na isti način kao i njegovo zaključivanje. Prijedlozi za izmjene i dopune mogu biti podneseni zajednički ili pojedinačno od strane sporazumnih strana.

Član 7.

(Važenje i prestanak Sporazuma)

1. Sporazum prestaje važiti otkazom jedne od sporazumnih strana u pisanom obliku.
2. Strana koja traži raskid Sporazuma dužna je obavijestiti drugu stranu najmanje 30 dana prije datuma raskida.
3. U slučaju raskida Sporazuma, svaka strana se obavezuje podmiriti sve međusobne obaveze i obaveze prema trećim stranama.

Član 8.

(Primjeri Sporazuma)

Ovaj Sporazum je sastavljen u četiri (4) istovjetna primjerka, od kojih svaka strana zadržava po dva (2) primjerka.

Član 9.

(Stupanje na snagu)

1. Ovaj Sporazum zaključuje se na neodređeno vrijeme i stupa na snagu danom potpisivanja od strane ovlaštenih predstavnika sporazumnih strana.
2. Stupanjem na snagu ovog Sporazuma prestaje da važi Sporazum broj 01-428/18 od 30.05.2018. godine.

Univerzitet u Sarajevu - Fakultet političkih nauka

Federalna uprava civilne zaštite

DEKAN

PRIVREMENO POSTAVLJENI

Prof. dr. Sead Turčalo

Broj: 01-3-729-1/25

Datum: 19.03.2025. godine

Aldin Brašnjic

Broj: 01-40-3-139/25

Datum: 19.03.2025. godine